

佛說除一切疾病陀羅尼經

唐三藏沙門大廣智不空奉詔譯

如是我聞一時薄伽梵住室羅筏城逝多林
給孤長者園與大苾芻衆千二百五十人俱
及衆大多菩薩摩訶薩爾時世尊告阿難陀
言阿難陀有陀羅尼能除世間一切疾病汝
當受持讀誦通利如理作意即說密言曰

怛你也_{合二}佉_一尾摩黎尾摩黎_二縛曩俱枳

黎_三室唎_{合二}末底_{切丁}以軍拏黎_五嫩奴鼻_六

印捺囉_{合二}儼顛_七令母捺娑縛_{引二}訶_八引

佛告阿難陀此陀羅尼若誦持者宿食不消
霍亂風黃痰癰患痔漏淋瀝上氣嗽瘡寒熱
頭痛背痛著鬼魅者悉得除差我以佛眼觀
見彼人諸天魔梵沙門婆羅門能作障難除
非決定業報盡者餘無能違越作其障難如

斯一

十三

來應供正徧知說一切有情中如來爲尊勝
一切法中離欲法尊一切衆中僧伽爲尊以
此誠實言願我及一切有情食飲喫啖入腹
消化得正安樂娑縛_{引二}訶_一
爾時世尊說是經已諸苾芻僧并諸菩薩摩
訶薩一切大衆天龍八部受持佛語歡喜奉
行

佛說除一切疾病陀羅尼經